

不著撰人

產育寶慶集方

中國醫學大成續集

图书在版编目(CIP)数据

中国医学大成绩集. 35 / 曹炳章编. —影印本. —上海: 上海科学技术出版社, 2000. 12

ISBN 7-5323-5238-2

I. 中... II. 曹... III. 中国医药学-总集
IV. R2-52

中国版本图书馆 CIP 数据核字(2000)第 41268 号

上海科学技术出版社出版发行

(上海瑞金二路 450 号 邮政编码 200020)

望亭电厂印刷厂印刷 新华书店上海发行所经销

2000 年 12 月第 1 版 2000 年 12 月第 1 次印刷

开本 787×1092 1/32 印张 38.75 插页 4

印数 1-2 000 定价: 84.00 元

本书如有缺页、错装或损坏等严重质量问题,
请向本社出版科联系调换

產育寶慶集方提要

原書不著撰人名氏。而宋史藝文志。則謂爲郭稽中所撰。但考陳振孫書錄解題。嘗稱濮陽李師聖。得產論二十一篇。有說無方。醫學家授郭稽中爲時良醫。以方附諸論末。遂爲完書。可知稽中特就師聖所得舊本。增以新方。非所自撰也。然宋史所載。固未見有陳說。且稽中所增合原論共爲一卷。與此本不合。以卷首諸序考之。蓋括蒼陳言撰三因方。嘗取其方論。各評得失。婺醫杜蒞。因采所評。附入各條之下。後趙瑩得產乳備要。增以楊子遠七說。合於產論爲一集。有冀致君者。又掇御藥院雜病方論。及入月產圖。體元子借地法。安產藏衣方位。綴於其末。是輟轉增益。早非郭氏之舊。特沿其名而已。是書世罕有傳本。載於永樂大典者。得論二十一。

陳言評十六。方三十四爲一卷。產乳備要、暨經氣妊娠等證方六十
二爲一卷。其體元子備地法永樂大典皆佚而不載。今亦仍闕。按胎
教之法。古人所重。賈誼新書。所引青史之記。劉向烈女傳。所記
大任育文王之事。尚可見其崖略。惟產育方藥。則罕有專書。唐藝
文志有昝殷產寶一卷。始別立一門。今其書不傳。(產寶一書、今得
影宋足本、列本集之首)故關於妊育者。當以是書爲最古矣。卷中
惟陳言之論。標識姓名。餘皆不標爲誰說。今以原本體例推之。上
卷之方。皆出郭氏。下卷婉乳安產經氣三條外。殆即楊氏之說。所
附方藥。或即冀致君所采御藥院方也。陳言有三因方已著錄。楊子
述名秩。有楊氏家藏方。今未見。李師聖等皆南宋人。冀致君序稱
諸人爲宋儒。又稱近在燕趙間。元人云。此書本名產育寶慶集方。
相沿俱作寶慶集。蓋因脫落方字而誤。今姑仍其舊。

文豪寶鑑

光緒四辛秋日

梁濠史署檢

欽定四庫全書

產育寶慶集方

提要

臣等謹按。產育寶慶集方二卷。不著撰人名氏。宋史藝文志以爲郭稽中撰。考陳振孫書錄解題。稱濮陽李師聖得產論二十一篇。有說無方。醫學教授郭稽中。爲時良醫。以方附諸論末。遂爲完書。則稽中特因師聖所得舊本。增以新方。非所自撰。宋史所載似未見陳氏說也。然稽中所增。合產

論其爲一卷。於此本不合。以卷首諸序考之。蓋括蒼陳言撰三因方。常取其方論。各評得失。婺醫杜蒨。因採其所評。附入各條之下。後趙瑩得產乳備要。增以楊子建七說。合於產論爲一集。有冀致君者。又掇御藥院雜病方論。及八月產圖體。玄子借地法。安產藏衣方位。綴于其末。是輾轉增益。已非郭氏之舊。特沿其舊名耳。其書世罕傳本。今載於永樂大典者。得論二十一。陳言評十六。方三十四爲一卷。產乳備要暨

經氣妊娠等證。方六十二爲二卷。其體立子借地法。永樂大典佚不載。今亦闕焉。按胎教之法。古人所重。賈誼新書所引。青史氏之記。劉向列女傳所記。太任育文王之事。尙可見崖略。惟產育方藥。則罕專書。唐書藝文志有咎殷產寶一卷。始別立一門。今其書不傳。則請妊育者。當以是書爲最古矣。卷中惟陳言之論。標識姓名。餘皆不標爲誰說。今以原本體例。推之上卷之方。皆出郭氏。下卷婉乳安產。經氣三條外。殆

卽楊氏之說。所附方藥。殆卽冀致君所採。御藥院方也。陳言有三因方已著錄。楊子建名倓。有楊氏家藏方。今未見。李師聖等皆南宋人。冀致君序稱諸人爲宋儒。又稱近在燕趙間。蓋元人云。乾隆五十年二月恭校上。

原序

人有一念之善。可以動天地。感鬼神。至其充大之。則利益于世。奚有限量。人惟溺于私欲。雖有善念。爾汝其心差殊。其見畦畛。其用險隘偏小。不足觀矣。趙君德脩。公族之賢者。其爲人也。用心平處。已正議論。不阿曲。事無纖巨。一歸于是。每念貧而病者。艱于得藥。惠施周急。常恐不及。非吉人爲善。惟日不足者乎。今又取諸家產方之得效者。集爲一編。鋟木廣施。善念之充。若火之然。若泉之達。莫之能禦。則是方一出。見者用者。活者將不可勝計。其利溥哉。與世之有藥而

不施。施藥而秘其方者。天淵矣。劉四垣序。

右產育寶慶集方。郭稽中纂。李師聖作序。于山甫印施。余始宦歷陽。而師聖憲淮西。山甫時侍。因得數帙。始置篋笥。未窺其妙。泊余室家。蓐中不豫。初苦寒熱。殆如瘧狀。及閱此方。得其增損四物湯。適中其病。製之以服。至再而愈。嘗復苦腹痛瀉痢。又得第十論調中湯服之。不再而頓止。異時蓐後。復苦痞悶咽乾。因詰其證。果復渴甚中。夜得見睨丸方。待旦置藥旋成。纔服既患已安矣。自是余家頗神此方。往往因人傳授。及付以方。無不獲效。頃在淝訪表舅李師禮及門。

且久聞妾在蓐。方病危篤。嘔吐脹滿。粥藥不下。因語此方。遍索之不得。德邵兄領學事淮右。聞之。遍令公皂購之。始得。印本于醫家。乃李憲攝帥日。施于郡人者也。尋得大聖散。合成。姑試服而不嘔。良久與粥。凡三服而無恙。師禮以爲神。亟欲鏤板。但未得其全本。余欲刊施而未暇。近以海陵親戚間有患崩中不止者。須臾眼黑眩暈。殆至悶死。時篋中偶有清魂散。急遣灌之。良久稍蘇。再進遂安。益信此方之妙。無不獲效者。中間止餘一帙。以喜禾相知借去。遂亡其本。每以爲恨。後十餘年。與山甫相遇都城時。方同在圍中。

雖憂懣百不暇及。首詢此板屬以居相近。因得印之。復以此本遺山甫。因書于後。王晉序。

婦人產育。雖曰常事。其實甚危。調護或失其宜。藥石或乖其用。則爲害不細。此前輩所以諄諄于方論之間也。余友人得產乳備要。乃盱江傅君教授。常刊于澧陽郡。庠因以家藏舊本。稍加校正。增以楊子建七說。并產論同爲一集。鋟木以廣之。庶幾有補于萬一云。趙瑩序。

醫家者流。嘗謂甯治百男子。不治一婦人。況產婦乎。蓋療產婦之證爲難。而產前之證尤難。胎氣旣成。世

之人徒知以十月爲產期。而不知有過期之產者。宋儒已論之詳矣。亦謂之常。而不謂之變。甚哉。異人異書之爲可重。此產育寶慶之書。所以增廣其傳也。書既刊行。德脩命題其後。余憮然曰。是書之出。無患其不傳。吾聞君子居其室。出其言。善則千里之外應之。今子處獨善之時。而有兼善之心。不其大矣乎。將見不期應而應之。至是可喜也。寓齋老人序。

山野草澤間。苦無素業。醫流妙手。產媼是書。足以備一時緩急之用。觀此前序。足見其人矣。頤齋老人題。妊娠之理。內經定以十月爲正產者。尙矣。間有過期。

者。蓋古之賢聖之生如此。然聞其語。未見其人也。比年以來。姙之過產者。遠者不得而知。近在燕趙間。時復有之。方姙之初也。信其爲姙。及其過產。則反疑其非姙也。問之產媪。則曰未之見也。問之名醫。則曰出月。出月者貴。問之方士。則曰妖也。以妖治之。問之庸醫。則曰病也。以病治之。二者俱失。至有子母俱不救者。旣而方知其姙也。雖悔其可追耶。余聞之。甚可悼矣。恨無可考之方。以破其惑也。一日過醫公李甯之家。示一書曰。產育寶慶集。披讀一二。蓋宋儒李師聖。郭稽中。楊子建輩之所編集。至生產篇云。婦人懷胎。

有七月。八月。九月。十月而產者。亦有經一年。至二年。三年。四年。五年而後產者。蓋人之生。陰注陽定。自有時日。不可改移。今獨限以十月。似爲未盡。讀不終篇。不覺屢歎惜乎。此書在世希有。若能廣傳。使天下共知。則人生安得罹殤天之禍乎。意謂婦人方經雖多。而產書難其全者。若是一或廢失。世間必不復有也。因問誰氏之書。公曰。外郎楊士表所秘藏也。輒親往謁。告以情實。求之。忻然見許。遂得原書印本。方議刊行。公曰。此止一產書也。若更將御藥院雜病方論并入。月產圖。體玄子借地法。安產藏衣方位附之。合爲